



第十五卷

公署

DS
793
S45S5
1735
V.15

陝西通志第十五卷

公署

周官三百各建厥宅鼻應之旁市廛遠隔華省薰香直廬樹戟鶉野龍山棟宇奕奕甘棠召公黍苗郁伯攸躋攸寧用敷德澤麗譙審時郊館候客列峙秦疆規模邁昔作公署志第六

西安府

總督部院署在布政司西南舊駐固原鎮後移西安順治初總督孟喬芳創建制府康熙元年總督白如梅以門堂隘淺拓正學書院舊址增廓堂宇高其閤閤建標績坊奇表臺鼓角麗譙將校亭廬悉脩自爲文記之二十三年以漢中爲川陝適中地移建制府以便兼轄後冠平仍還原署四十二年

聖祖仁皇帝西巡

賜總督博濟保釐秦隴匾額

督標中軍副將署在長安水池三坊

巡撫部院署在布政司西北明宣德七年建嘉靖二十一年巡撫趙廷瑞新後堂闢後軒爲北向前作思濟亭於五栢之間又曰五栢亭建樓七楹顏曰仰辰翼以兩廂十楹葺節鎮坊道通濟渠由西垣入東垣出左右亭各一左以覆井右以藏碑自爲記本朝康熙二十四年巡撫鄂愷重修左僉都房廷禎記之四十二年聖祖仁皇帝西巡

賜巡撫鄂海匾曰爲政寬恕聯曰三秦地濶榮開府二華峰高比重臣

撫標中軍叅將署在咸寧所二坊

布政使司署在府城東鐘樓西相傳爲秦穆公故府唐爲尚書省一云爲于志寧郭汾陽宅基有顏真卿郭太保廟碑尚存署中

金卽其地爲行署元設爲行省延祐間修之明初洪武七年改爲司署設僚屬廨舍基宇周羅十七年增置廨宇正統八年左布政郭堅增置後堂厨庫右布政王暹記嘉靖二十九年左右布政葛守禮建後堂顏曰誠心堂右布政孔天引記

本朝順治五年左布政劉弘遇大加脩葺前後堂及厨庫吏舍重門繚垣悉新之右叅議朱國壽爲記康熙四年布政使顏敏以宅門湫隘增建六楹大堂五楹顏曰寅清翼以壁廊內堂凡三楹壁廊數悉如之自爲記廣積庫在大堂旁四十二年

聖祖仁皇帝西巡

賜布政使鄂洛雲峰及清慎勤二匾額

經歷司理問所廣積庫大使廨俱在本司大門內東偏

舊有檢校副理

問司獄司廨俱裁缺照磨廣積庫副使改甘省

糧鹽道署在布政司東北按碑圖卽左叅政署康熙四十二年

聖祖仁皇帝西巡

賜叅議黃明清慎勤匾額五十四年叅議祖允焜葺東園於署左自爲文記之

永敬倉大使廨在永豐倉內

按察司署在布政司西明洪武初因元御史臺爲治在布政司東後併入秦府移建今署正統十年按察使鄧榮新正堂中門廊廡副使張楷記之成化十年按察使王朝遠建官廨十三年按察使劉福貿民地拓修東構屋四十八楹西二十餘楹僚屬廨宇以次就緒復繚以穹垣提學伍福記嘉靖壬戌按察使劉自強濬井於廨舍東南號曰劉公井提學孫應鰲記

本朝順治十六年按察使翟鳳翥顏其堂曰如水堂自爲記康熙四

十二年

聖祖仁皇帝西巡

賜按察使何嘏清慎勤匾額四十八年按察使滿普重建兩廡獄在署

西偏雍正七年按察使碩色修葺自爲記

經歷司司獄司俱在本司內

舊有檢校廨缺裁照磨改移甘省

驛傳道署在布政司西北本察院舊址先是道署在按察司內明

成化十三年建

本朝康熙二十一年裁缺署廢三十一年復設副使張霖徙今治重

建內署門廡廳事射堂賓館自爲文記之

城守營叅將署在布政司北長安所一坊

貢院在布政司西近安定門明景泰間左布政使許資奏建嘉靖

四年巡撫王蓋巡按鄭氣建搜閱堂四楹新屋宇號舍舊爲席

棚悉易以木又拓增數百間築內外繚垣顏大門樓曰騰蛟起鳳又引通濟渠於五星堂下檢討段靈為記十九年巡按張光祖重脩改建門坊瞭望樓峙四隅明遠樓在中北為至公堂堂北為四所收掌所南有為國薦賢堂其北為外簾廡以精白一心又廡曰明公皆居文衡門南北則聚奎堂舊止三楹增為五楹又其北為主考廳五經房列左右咸更新焉有侍郎呂柟記本朝康熙五十六年布政使薩穆哈增建南號舍雍正元年巡撫噶世圖續建悉易以瓦甍

舊有按院署在布政司西北順治十八年裁缺今改為驛傳道署督學署舊在關中書院康熙六十一年改駐三原舊行署右布政署在布政司西康熙六年移駐蘭州都司在布政司東南雍正元年裁缺關內道在布政司西提學道在按察司內今俱缺

知府署在布政司西本元奉元路址明洪武二年建永樂間補葺

正統四年知府鄧晟改建中門訓導董懋爲記天順四年知府
余子俊新後堂復拓脩八年重建正堂退徙於北吏舍退徙於
東西移常濟庫於中門之東自爲記弘治十五年知府馬炳然
拓修後堂顏曰絜矩內署吏舍悉新之亦自爲記嘉靖十三年
知府夏雷易西隅民房改建僚佐廨舍堂後建東西棚屋各三
楹堂東建冊庫六楹復建坊門外匾曰關中首郡檢討王九思
記二十四年知府吳孟祺分建廨舍中判二區繚垣分坊門徑
殊軌丞御其東倅處其西有右僉都許宗魯記獄在堂西南二
十六年知府胡汝輔濬渠砌陰溝於丹墀東鑿石爲井自爲文
記之

理事同知署在府署西長安鐵爐一坊係舊分守道署

清軍同知署在府署內東偏

舊有刑廳署在府治南缺裁後改爲管糧廳署雍正七年更名水利

通判移駐涇陽王橋鎮

經歷司在府堂西照磨所在經歷司南知事廳在府堂西北司

獄司在府署中門西偏

舊有稅課司在府治東京兆驛丞廨在府治東南西安遞運所在府城西灞橋

遞運所在城東二十里今俱裁缺

教授訓導宅在府治東南明倫堂後陰陽學在府治東醫學在府治西

長安縣署在布政司西唐天祐間韓建築西郭小城為縣治宋金元皆因之明洪武四年移建今治明末頽圯

本朝康熙元年知縣梁禹甸修葺改建重門新前軒自為記堂西為庫獄在堂西南禹甸復建小倉以羈輕犯

丞廨在縣堂東

舊有主簿廨在縣堂西缺載

典史廨在丞廨南

教諭訓導廨在府學西

接官廳在西關外養濟院在其側

咸寧縣署在布政司東南三里許卽唐宣陽坊萬年舊址天祐間韓建築東郭小城爲縣治宋金因之元泰定至正間縣尹唐元王義相繼增脩明洪武初因拓城移建今治嘉靖二十三年知縣馬佩重修前後廳堂重門吏舍悉新之堂西爲庫獄在儀門西因鄰舊養濟院關防弗便廼築圍堵九十四丈建屋十九楹給事王準記萬曆十二年知縣李生芳復脩三十四年知縣滿朝薦更爲拓脩崇禎五年知縣閻思學於退食堂後市民地構大生樓五楹左右相各三楹前建退食軒易舊宅爲幕館長安知縣張希夏爲記土地祠舊在儀門外賓館之左知縣宋屺移置儀門右

本朝康熙三年知縣黃家鼎以獄分輕重度獄東南隙地建倉一所

養濟院在城內西北

丞廨在縣堂右典史廨在丞廨南

舊有主簿廨
順治間缺裁

教諭廨在學宮敬一亭後訓導廨在敬一亭左

接官廳三所二在東關外一在北關外

會府在滿城內鐘樓東

將軍署在滿城吉茂巷康熙四十二年

聖祖仁皇帝西巡

賜將軍博濟匾曰列雅著贊聯曰長爲士心思鼓舞肯因國事惜勤勞

左翼滿洲副都統署在滿城金谷府故址

右翼滿洲副都統署在滿城西華門街

左翼漢軍副都統署在滿城邵陽府故址

右翼漢軍副都統署在滿城天地壇故址

咸陽縣署舊在城內西北今在中央明洪武四年縣丞孔文郁建中爲正堂五楹抱厦一楹東有庫樓西南爲獄

本朝順治中知縣江山秀脩葺建馬廐二十楹養濟院在縣治東北

縣丞廨在縣堂東典史廨在縣堂西

舊有咸陽遞運所渭水驛丞廨在縣治內俱裁缺

教諭廨在儒學明倫堂西訓導廨圯陰陽學在縣治西南醫學

在縣治西南

舊有東西南三察院又司署在縣治西關內道署在司署東府館在縣治東北俱廢

興平縣署在城內東南元至正十二年建明洪武十二年知縣沈

訥修葺成化中知縣王琮改脩嘉靖中知縣郭孔完增脩乙卯

地震傾圯知縣朱文修葺有劉永吉記正堂知縣章評修顏曰

琴堂建可爲敦仁二堂自爲記又建喜中樓陶梓記修儀門戒

石亭左右吏舍建五喜亭御史陳講少卿記庫在堂左獄在儀

門內東偏養濟院在縣西街

丞廨在縣堂東典史廨在縣堂西底張驛丞廨在縣東北三十

里

舊有白渠驛丞廨在縣治北底張通運所在縣治東俱裁缺

教諭訓導廨在學宮敬一亭後陰陽醫學俱在縣治前

舊有察院布政司署俱在縣治東按察司署在縣治東南長寧分司即古長寧驛西司在縣治西南

臨潼縣署在城內中街之東明洪武二年建弘治癸亥重修嘉靖

甲辰知縣李裔芳增修自爲記正廳六楹匾曰節愛堂左庫右

幕廳後爲退思堂堂內東偏爲藕葉山房北曰嚮用堂獄在儀

門內西偏

本朝康熙二年知縣孟長人改建大門移門樓於內署三十七年知

縣趙于京建外廡自爲記養濟院二一在城隍廟左側一在縣

東南抵城下

丞廨在縣堂西典史廨在縣堂西舊有新豐驛丞在縣治西

教諭廨訓導廨陰陽學俱在縣治北醫學在縣治東

舊有布政分司按察分司俱在縣治東知縣趙于京改為橫渠書院有廳二一在縣治東改居汎英一在縣治西迎侯所二一在集鳳門外一在永豐門外今俱廢

高陵縣署在城內正中宋政和間知縣李文開建不欺堂主簿焦積為記元延祐元年知縣盧佐建正廳五楹立戒石亭於儀門北明正統十四年知縣張錦重建正廳五楹東西俱有庫景泰三年楊清建諸廨舍及土地祠成化十年知縣張傑重修弘治初知縣劉安建退思堂正德十四年知縣翟清建馬廐嘉靖四年知縣鄧興仁改建正堂重門徙獄神祠及獄門於儀門外乙卯地震傾圮知縣李翰重加脩葺

本朝知縣胡昌期撤退思堂于後堂前為榭署內樓五楹康熙三十

四年知縣王基溥重修養濟院在縣東門內迤南城下

典史廨在縣堂西

教諭廨在明倫堂後訓導廨在教諭廨後陰陽醫學俱在縣治東

舊有布政司署在縣治西按察司署在預備倉東府廳在中街南

鄆縣署在城內東隅明洪武八年知縣許訢重建中爲正堂五楹東西俱有庫後爲思補堂西南爲獄賓館前有雙槐宋程明道先生手植正統中知縣徐純脩葺崇禎中知縣張宗孟重修賓館

本朝康熙二十一年知縣康如璉改建大門四明樓

典史廨在縣署西南

教諭訓導廨在文廟北陰陽學在縣治北醫學在縣治西

千總署在縣治東

舊有察院在西門內按察司署在縣治東布政司府署俱在縣治西今廢

藍田縣署在城內正中明洪武四年知縣徐誠建嘉靖二年知縣

王科增建堂廨堂東幕廳兩腋爲庫獄在儀門外二十二年知縣趙師道建糧房及廩二十楹於儀門外二十七年知縣呂好古悉鼎新之萬曆初知縣何思建寅賓館三十一年知縣王邦才移旌善亭於大門內四十四年知縣沈國華重脩廨署養濟院在南關街西

典史廨在縣堂東南

教諭廨訓導廨陰陽醫學俱在縣治南

舊有察院布政司署俱在縣治西按察司署在縣治南偏西今廢

涇陽縣

水利通判署在縣北五十里王橋鎮內雍正七年改糧廳為水利

廳移駐於此

舊有水利倉事署在洪口古洪門監火廢

舊有東西北三察院縣治南則為南司今廢

知縣署在縣城南門內迤東創建無考元大德間集賢學士蕭軒

修葺明弘治間知縣宋鑑重修萬

初知縣傅好禮復新之大

門重樓建於知縣屈諫崇禎中知縣高去奢以陰陽家言稍抑焉庫在堂左西南為獄養濟院在城隍廟西

縣丞廨在縣堂東典史廨在丞廨南

教諭廨在儒學明倫堂西

舊有訓導廨在教諭廨南今廢

三原縣

督學署在縣治北大街西舊關內道行署明洪武二年縣丞仰山

建十年知縣吳自當重修天順六年知縣莫謙復脩後改督學

行署稍西為考院內門相通

本朝康熙四十二年知縣李瀛詳請修葺六十一年改在省原署正

學書院為義學移駐於此

舊有布政分司在縣治北府廳在縣治西今廢

知縣署在縣城南門內東街元至元二十四年縣尹郭真建明洪

熙元年知縣宋麟重修

本朝康熙四十二年知縣李瀛建大堂五楹顏曰敬愛堂東為庫有

自撰記堂後為學古堂東書舍西射圃獄在儀門東偏

丞廨在縣堂東典史廨在丞廨東

舊有稅課局在譙樓北康熙四十年改建恩德祠建忠驛

丞廨在譙樓南缺裁

教諭廨在縣城南街訓導廨在文廟櫺星門前陰陽醫學俱在

縣治南

蓋屋縣署在城內東北即宋元舊治明洪武二年重修弘治時知

縣蕭選建大門樓嘉靖中知縣李春芳建退思堂知縣何起鳴建彰善瘴惡優老恤孤二亭萬曆中知縣梁克從建庫樓於堂左

本朝康熙元年知縣駱鍾麟鼎新之十九年知縣章泰拓退思堂爲五楹增左右廂重建庫樓東西吏舍西南犴狴悉加修葺自爲記養濟院在太清觀西庵巷內

縣丞解在縣署西典史解在丞廨西

舊有十八盤巡檢司在縣西南一百里柴家關巡檢

司在縣南一百七十里俱裁缺

教諭訓導解在學宮禮門陰陽醫學俱在縣治西

守備署在城內

舊有察院康熙己未知縣章泰修葺布政司署本城隍廟地關內道署在縣治中今廢

渭南縣署在城中和街北明洪武二年縣丞吳雲建成化中知

縣周寧拓脩正德中知縣王鑑復新之嘉靖乙卯地震傾圮知縣李希維葺理知縣趙雲程建牧愛堂左爲庫知縣劉翹翬庫以甃建幕廳於堂右隆慶中知縣帥祥建儀門及寅賓館儀門內折而西爲犴狴萬曆中知縣崔邦亮益加拓脩養濟院二所一在東關北巷一在東門外神川原北

丞廨在縣堂東典史廨在縣堂西

舊有豐原驛丞廨在縣治東南順治七年裁缺遞運大使

廨在縣東郭康熙十六年裁缺

教諭訓導宅在明倫堂西南陰陽學醫學俱在縣治西

舊有布政分司在南廂街東按察分司在人和街北分守道在縣左街南分司在儒學前街南

富平縣署在城內正中明洪武三年主簿陳忠信建天順中知縣王傑新之成化十八年知縣郭鎔建吏舍創後堂三楹知縣張本增爲五楹嘉靖乙卯地震傾圮知縣張桐建親民堂五楹右

為庫捲棚儀門各三楹隆慶中知縣史燦建堂右翼室暨宣化坊萬曆中知縣楊守川建堂右翼室暨戒石亭獄在縣堂西南養濟院在縣治東南

丞廨在縣堂東典史廨在丞廨東

舊有主簿廨在縣堂西順治初裁缺

教諭廨訓導廨俱在縣治東北陰陽醫學俱在縣治東

守備署在東察院內康熙十五年設

舊察院在縣治北布按二司府署俱在縣治東

禮泉縣署本在舊城元延祐六年縣尹嚴承直增脩廨宇有司業

周恕記明洪武二年縣丞楚玘徙於今城內近南正統四年知

縣胡璉重建萬曆四年知縣姚燭拓修顏正廳曰仰藥堂東西

俱有庫獄在儀門內西偏養濟院在縣治東北

本朝康熙中知縣陳裘佩題二堂曰諭蒙堂

典史廨在縣堂西

教諭廨在明倫堂左訓導廨在明倫堂右陰陽學在縣治東北

醫學在縣治西

舊有察院在縣治南知縣陳裘佩脩葺布政分司在縣治東南外城中按察分司在縣治東關內道在縣治西俱廢

延安府

督學行署在北門內街西

舊有察院在北街之東馬政院在府城南明正德間楊一清檄知府王彥奇建俱燬

參將署中軍守備署俱在府城內

舊有延安衛署在鼓樓街東順治十四年裁缺

知府署在府城小東門內明洪武初建屢經兵燹兼大水後多圯

本朝康熙四十二年知府吳存禮重修豐潤庫在大堂旁

照磨所在府署右後燬移駐經歷司舊廨

舊有管糧廳在府署左理刑廳在府署右

缺裁經歷司在府署左雍正三年移駐靖邊改為照磨廨司獄司知事檢校廨俱在府大門內金明驛丞廨在府治西偏今俱

缺裁

教授廨訓導廨俱在府治北陰陽學在府治東醫學在府治西
膚施縣署在府城東門內明洪武六年建兵燬今移城隍廟街

典史廨在縣署左

教諭廨訓導廨在縣治東

安塞縣署在城內東偏天澤山下元至正間建明洪武二年增脩

嘉靖隆慶中知縣韓弼王尚賢萬曆時知縣方盡美丁允中相

繼修葺崇禎壬申寇燬十四年知縣朱敏洎依堂基作舍三楹

本朝順治戊子知縣黃瑤前加三楹顏曰五美堂西為豐潤庫復建

東西吏舍十八年知縣李暉增修康熙十八年知縣馬震重建

二堂獄在大門內西偏養濟院在北門外

典史廨在縣署右

舊有敷政巡檢司在縣西南一百二十里缺載

教諭廨在縣治南今圯

舊有察院在城正中坐西今廢

甘泉縣署在城內東隅明洪武七年建正統十二年重修後殘毀無存

本朝順治十一年知縣余明彞構茅屋以居十三年建堂於舊址康熙元年知縣劉汝植增脩二十五年知縣高有基修葺雍正七年知縣吳敦儉重修

典史廨在縣署東隅

舊有撫安驛丞廨在縣治西北缺裁

教諭廨在文廟東南陰陽醫學俱在縣治南

舊有察院在城內北街之東久廢雍正六年卽其址改建常平倉

安定縣署在城內正西元大德五年建明洪武初脩葺嘉靖時知縣曹銘重修

本朝順治中知縣李嘉引復葺之康熙中知縣張洪謨增脩建二堂

三楹左右俱有庫知縣朱尚義建書舍三楹知縣余大鵠顏曰
日省齋三堂改建中樓則創於知縣董蟾秋匾曰內省軒又升
為層臺大樓知縣王友德建後知縣蔣尚詡廖均施成澤相繼
脩葺獄在大門左側養濟院在東關仁和門內

典史廨在縣堂左

舊有丞廨在縣堂
旁順治九年裁缺

訓導廨在明倫堂西陰陽醫學俱在縣治東

舊有察院二所一在西
街北一在縣署後久廢

保安縣署在城內中街明洪武癸丑建萬曆二十三年重修崇禎

辛未寇燬

本朝順治九年知縣袁英重建十六年知縣張嗣賢增修門堂吏舍

規模稍脩養濟院在城外天壽寺

典史廨在縣署左

舊有園林驛丞廨在
縣東九十里缺載

訓導解陰陽學在縣治西醫學在縣治東

舊有察院在縣治西久廢

宜川縣署在城內近北卽宋丹州治明洪武九年知縣高以敬重修正德三年建大堂歲久傾圮

本朝雍正元年知縣王志深重建自爲記

典史廨在縣署右

舊有丞廨在縣署左雍正三年移駐定邊今改建倉廩

訓導解陰陽學醫學俱在縣治西南

舊有察院在縣治東今廢

延川縣署在城內西北大阜元至治元年知縣王恪建明洪武三年主簿王佐拓堂宇葺門樓景泰間脩葺成化時知縣賀璽重建大門樓嘉靖中知縣宋大本重修廨宇建申明亭知縣劉宗禮復葺之隆慶中知縣王楨建旌善亭萬曆時知縣暢楊王立

身相繼脩葺知縣蘇廷建寅賓館

本朝順治七年知縣錢茂秦重建大堂五楹顏曰親民堂後堂如其

楹數西為庫獄在大門西偏十七年知縣劉穀修大門樓及寅

賓館養濟院在縣北一里

典史廨在縣堂西

舊有文安驛丞廨在縣西三十里雍正七年裁缺

訓導廨陰陽學醫學皆在縣治南

舊有察院在城內東南隅知縣劉穀修葺布政司署在東北隅府署在縣治中街迤北俱久廢

延長縣署舊在城內西北明洪武間知縣吳宗梅建成化中知縣

婁鑑重脩崇禎十六年寇燬移治山城

本朝順治八年知縣張三異拓修康熙九年知縣陳天祐復移下城

東街察院為廨舍獄在舊治內養濟院在城隍廟左

典史廨在縣治北

舊有于谷驛丞廨在縣西七十里雍正七年裁缺

訓導廳在學宮左

鳳翔府

督學行署在文廟東考院雍正九年知府任晟倡捐重修

舊有關西道在府治東明正德五年設嘉靖十五年重建有王億記三十七年僉事高尚志拓脩萬曆八年僉事張應福扁後亭曰喜雨建萃德亭有記今裁缺又行署有分司在中察院南北分司在十字大街東

西鳳協副將署在府治東係舊關西道署中軍都司城守營都司

署在府城內

舊有守禦千戶所
在府治東久裁缺

知府署在府城十字東街明洪武四年移元肅政廉訪司故址卽

宋府治也蘇軾喜雨亭在焉宣德四年鄭王出封鳳翔改爲王

府復徙城西南隅鳳翔縣故治正統四年知府扈暹重建有鄭

府右長史周璵記成化中知府侯璚正德中知府王江相總修

葺嘉靖四十五年知府史官加拓俱有記

本朝順治五年知府靳彥直建正堂三楹東為富聚庫靖共堂五楹

吏舍廳廨悉新之郡人

管糧通判署在西馬道

舊有司在府署東理刑在府署西理

經歷司在東馬道係舊刑廳署司在府大門內西偏係舊

照磨廨

舊有知事照磨檢校原在本府內照磨司在府門外街東倉大使副使在府門外街俱缺

教授訓導廨在明倫堂後陰陽學醫學俱在城內南街路東

鳳翔縣署在城內西街明洪武二年建嘉靖三十七年知縣康一

元重修正廳五楹東為庫獄在二門內東偏邑人賈士元記

濟院在城內北街

縣丞廨在縣堂東典史廨在縣堂西

舊有主簿廨在縣堂西陽驛丞廨在縣治東北俱

缺

教諭廨在明倫堂左訓導廨在明倫堂右

岐山縣署在城內南街唐武德四年建元泰定中重修有記明洪武初知縣陳元禮增脩正廳曰忠愛堂西爲庫東贊政廳後則公暇堂一獄在二門內西偏弘治四年知縣榮節修葺萬十八年知縣于邦棟總脩改建土地祠寅賓館崇禎二年知縣王之瓚復葺之

本朝順治五年知縣趙鏡修大門外坊題曰文王治岐養濟院在西門外

典史廨在縣堂西

舊有丞廨在縣堂東主簿廨在縣堂西岐周驛丞廨在縣署東今俱裁缺

教諭廨在學宮敬一亭後訓導廨在教諭廨右陰陽學在縣治

西醫學在陰陽學西

舊有東察院東中察院俱在縣治東東察院修於順治十四年西察院西中察院俱在縣治西今廢

寶鷄縣署在城西街北唐至德二年建明洪武初重修中爲忠愛

堂東西列吏舍內署二重有翼室書舍成化七年知縣張珣建大門樓弘治十四年建庫三楹於忠愛堂左獄在二門內西偏養濟院在縣治西

之廨在縣堂東典史廨在縣堂西南舊有主簿廨在縣堂西缺裁散關巡檢

司在縣治西南四十里號川巡檢司在縣治東南一百二十里

雍正七年設東河橋驛丞廨在縣治西南七十里舊有陳倉驛丞廨在縣治

東順治十七年裁缺

教諭廨在明倫堂北訓導廨在明倫堂西陰陽醫學俱在縣治

東

舊有察院布政司關西道署俱在縣治東府館在縣治西南今廢

扶風縣署在城內十字街西明洪武三年主簿金淵建正統間知

縣周本建庫於堂西建獄於儀門西偏吏舍賓館悉脩焉三十

四年地震傾圮知縣孫科王世康相總修葺崇禎八年冠燬九年知縣宋之傑重建

本朝順治十七年知縣劉瀚芳修葺康熙中知縣孔元祚毛士儲相總增修養濟院在縣治東街

丞廨在縣堂東典史廨在縣堂西

舊有鳳泉驛丞廨在城東街順治十七年裁缺

教諭廨在學宮敬一亭後訓導廨在文廟右陰陽學醫學俱在

縣治西

舊有察院在東街康熙五十年知縣丁腹松修葺布政司署在縣治東關西道府廳署俱在縣治西今俱廢

鄮縣署在城內正中宋政和二年縣令吳需建有孫大年記元憲

宗辛亥改州治至正元年復為縣署明初重修弘治十七年知

縣賈廷璽復修中為節愛堂左右俱有庫獄在儀門西南萬曆

三年知縣姚繼先增脩

本朝康熙知縣梅遇始築高垣復于宅後建霖雨堂四十二年

聖祖仁皇帝西巡

賜知縣孫志尚聯曰雲飛北闕輕陰散雨歇南山積翠來養濟院在西

門內北巷

典史廨在縣堂東稍南

舊有廨在縣堂東缺裁

教諭廨訓導廨俱在縣治西陰陽學在縣治東南醫學在縣治

東

守備署在縣城內舊在鳳翔府雍正七年移駐於此

舊有布政司按察司行署俱在縣治東府廳在縣治南久廢

麟遊縣署舊在十字街東明洪武中縣丞危孝先初建中為愛養

百姓堂左為庫獄在儀門右明末移治於按察分司

本朝順治中知縣劉玉瓚築圃構小樓三楹知縣吳汝為顏曰借山

樓復顏寢後斗室曰容安齋俱有記養濟院在縣治東北

典史廨在縣堂西

舊有丞廨在縣堂東久裁石窯鋪巡檢司在縣西百二十里順治十五年裁缺

教諭訓導廨在學宮大門內今圯陰陽醫學俱在縣治西

舊有按察分司改爲縣署布政分司在西街府館在按察分司右今俱廢

汧陽縣署明嘉靖二十六年建正廳三楹旁爲庫吏舍東西各九

楹獄在大門內西偏署西有小圃灌引澗泉建亭其上額曰留

清養濟院在縣城東北

典史廨在縣堂東

教諭廨在明倫堂東訓導廨在明倫堂西

舊有察院在文廟後街市布政司署在文廟前街按察司署在縣治前街府館在縣治後街今俱廢

隴州署在城內東北金大定二年建明洪武十八年災三十五年

知州蔡祥重建崇禎間寇燬

本朝順治十八年知州黃雲蒸復建有叅政袁楷記康熙四十三年地震傾圮五十一年知州羅彰彞建重門吏舍正廳曰中公堂東西有庫後爲親民堂悉新之自爲記獄在州署養濟院在州城北巷內

州同知廨吏目廨俱在州治內

長寧驛丞廨在州西一百二十里

舊有故關大寨巡檢司龍安巡檢司廨缺裁

學正廨訓導廨在州治西南陰陽學在州治東醫學在州治南

舊有察院在州治西知州羅彰彞重建布政司署按察司署府館在州治南今俱廢

遊擊署在關山營

漢中府

督學行署在府治西北舊設於分守關南道行署後署廢移此

漢興道署在府治西大街康熙二十二年改分守關南道爲今

駐此

舊有總督部院署在府治西康熙二十三年以漢中為川陝適中地發帑金委西安府通判茹珍等改修分巡道署為制府以便兼轄後寇平仍改駐西安歲一巡歷今改為倉廩矣又察院二所一在府治西一在西門內久廢康熙二十八年知府滕天綬倡九屬捐俸創建於舊瑞府東分守道在東察院右嘗為考院盤茶廳在府治前今俱廢

協鎮副總兵署在府治東康熙二十六年副將鄭啓明倡闔營捐

貲貿故明李方伯宅創建中軍都司署在府治西北

舊有漢中衛署在府

治小十字西街之北順治初裁缺總兵署在城內東察院順治七年移駐興安

知府署在城內東南宋紹興中建江漢堂後更名親民署左有古

漢臺臺有榭明洪武三年知府費震脩葺嘉靖中知府范以作

營大有庫改修府門自為文記之堂復江漢舊名亦有記萬曆

二十五年知府李有實建二堂大樓各三楹崇禎六年知府馮

上賓重修易江漢堂為江濯

本朝康熙十年知府鍾琇建喜雨堂於漢臺西十四年二堂燬二十一年知府董遂昇重建構書舍於漢臺下二十六年知府滕天綬建寅賓館增修吏舍自為記仍易漢濯堂為江漢修漢臺舊榭繚以垣左建茅亭顏曰一草

清軍同知署在府堂左東夾道

舊有撫民廳在府堂右西夾道久裁

督捕通判署在堂左

舊有推官署在府堂左康熙十年裁缺其署分於軍捕二廳

經歷司照磨所俱在府堂右

廣積倉大使解在府治東

舊有司獄司在府治西缺裁

教授訓導廨在明倫堂後陰陽學在府治前醫學在府治西

南鄭縣署在城內正西舊在城西南隅明洪武八年遷於今地嘉

靖十八年知縣張佑重修明末寇燬

本朝康熙七年知縣高世豪重建十一年滇逆殘毀止存正堂三楹

堂東爲錢帛庫十九年知縣韓維新建二堂三堂書舍大樓東
西廂西院及大門內犴狴規模始脩養濟院在北門內

典史廨在二門內西偏青石關巡檢司在縣南九十里

舊有漢陽驛丞

廨在縣治前康熙三十八年裁缺

教諭廨在明倫堂後訓導廨在明倫堂西

裏城縣署在城內近西漢唐俱在打鐘村宋移今治紹興中兵燬

嘉泰中縣令張演陳彪總葺廸功郎張應昂記之明洪武三年

知縣段勉重建中爲牧愛堂後爲三事堂庫在大堂東儀門內

西偏爲獄嘉靖九年知縣嚴霜建庫樓有訓導黃江記養濟院

在縣治南知縣張庚改陰陽學爲之

主簿廨在縣堂東典史廨在縣堂西青橋驛丞廨在縣北五十

里馬道驛丞廨在縣北九十里

舊有鷄頭關巡檢司在縣北一十里今裁缺

訓導廨在明倫堂後

舊有察院在縣治西卽儒學舊址闕南道行署二所一在察院東一在察院前今廢

城固縣署在城內正北舊在縣西十八里宋崇寧二年縣尉柴炳移建今治元末廢明洪武二年縣丞劉嗣重建繚以崇垣中爲牧愛堂後有二堂其左爲錢帛庫儀門西爲獄

本朝康熙十年知縣毛際可重修二十二年知縣徐永祚擴而新之二十四年知縣胡一俊加拓裁缺丞廨入焉養濟院在縣東南典史廨在縣堂西南隅

舊有稅課司在察院南缺久裁

教諭訓導廨在縣治東南俱圯

千總署在縣城內

舊有察院在城隍廟西街闕南道行署二所一在察院後一在城隍廟後府署在察院後俱廢

縣署在城內正中卽古洋州舊治唐天寶初建宋時建天語坊

於甬道嘉定己卯寇燬紹定間權知洋州李顯忠重建有陳教授記明洪武三年改州爲縣堂署仍舊萬曆三年署篆同知劉鉞建吏舍三十楹鉞自爲記十九年知縣李文芳重修

本朝順治十二年知縣曹大可修內廳東西廂十五年知縣李天敘新正堂堂西爲庫康熙四年知縣柯棟修捲棚營西書舍二十四年知縣劉嗣季新吏舍及東西司房二十七年知縣謝景安顏正堂曰發育堂新桂花廳匾曰勁香窩復葺川廊後樓三十一年知縣鄒溶懸清慎勤匾額於前軒建止訟亭修西爽閣重門及西書舍悉新之獄在大門內西偏養濟院在城內東南隅縣丞廨在縣治東典史廨在縣署西卽舊主簿署教諭廨在明倫堂東訓導廨在明倫堂西陰陽學在縣治南醫學在縣治西

舊有察院在縣治東大街明洪武十一年建知縣劉嗣季重修
今爲講讀公所布政司署在縣東門內按察司署在縣治西青
山公館在縣東南四十里紅瓦鋪今俱廢

西鄉縣署在城內西北隅明洪武四年建正德十四年重修

本朝順治元年知縣涂騰茂重建正堂堂右爲庫五年知縣張台曜
增修內署鼎新大門建前軒三楹康熙十九年知縣陶大成增
設暖閣二十二年知縣史左拓基建樓增置捲棚六楹改宅西
涼亭曰德風齋丞簿廢廨舊入令署就址建亭顏曰山月亭復
葺班房儀門外東偏爲獄五十六年知縣王穆重建大門自爲
文記之養濟院在社學前

典史廨在縣堂西大巴關巡檢司在縣西南三百里鹽場關巡

檢司在縣東南二百里

舊有子午鎮巡檢司在縣東北百八十里康熙五年裁缺

教諭廨在學宮博文齋東訓導廨在約禮齋西

舊有察院在西門內南街布政分司在東門內街北按察分司在察院西今俱廢

漁渡路遊擊守備署俱在固縣壩

鳳縣

叅將署在城內東中軍守備署在縣城東門內北偏

舊有察院在縣治東布政分司在縣治西府館在縣治西北

知縣署在城內近北卽古鳳州治明洪武四年知縣王畿重建嘉靖十八年知縣司恩加拓後屢被寇燬

本朝順治初知縣彭振嗣修葺十一年知縣張石麟重修堂東爲永積庫

典史廨在縣治西留壩巡檢司在縣南一百五十里清風閣巡檢司在縣東一百五里松林驛丞廨在縣南一百二十里草涼驛丞廨在縣東七十里三岔驛丞廨在縣南五十里留壩驛丞

驛在縣南一百五十里武關驛丞驛在縣南二百四十里

訓導驛在明倫堂右陰陽醫學俱在縣治東

寧羗州

叅將署在遊擊署東南遊擊署在州城北門內中軍守備署在州

城東北隅

舊有察院二所一在治南一在州東分司在察院北府館在治東今俱廢又寧羗衛指揮署在州治北指揮羗觀建指揮王煊重修今裁缺

知州署在城內東南隅明洪武二年知州張簡建正德八年知州謝豸十四年知州朱崇讓重修萬曆中知州方世讓盧大模增修正堂五楹右為錢帛庫獄在吏目廨旁

本朝順治初知州李楷復葺之雍正元年知州王大士重建正堂吏目重門悉脩養濟院在州治西北

州同廨在陽平關吏目廨在州署西舊有寧羌倉大使廨在州治西北陽平驛丞廨在州

西北八十里
今俱裁缺

學正訓導廨圯陰陽學在太元觀右醫學在太元左

沔縣署在城內東北舊在縣東二十里卽古沔州治堂西有秋興亭明洪武四年知州王昱移今治七年改縣永樂元年知縣姜仲能修正堂庫在堂東嘉靖二十三年知縣張英脩幕廳戒石亭及吏舍儀門儀門外西偏犴在焉養濟院在縣治南

本朝順治十年知縣季煊創新內署

典史廨在縣治西黃沙驛丞廨在黃沙鎮東大安驛丞廨在大

安鎮西卽舊金牛驛改設舊有順政驛丞廨在縣治西今俱裁缺

教諭廨在明倫堂東訓導廨在明倫堂西

舊有察院二所一在縣治西北一在縣治西守禦千戶署在縣城內裁缺後改千總今併裁

署陽縣

遊擊署在城內南街中軍守備署在城內南街係舊布政司行署

改建

舊有察院在縣治北後改爲儒學布政司署在南門內後改撫捕通判署今爲守備署按察司署在高臺後改南察院久廢

知縣署向在北山下元廢明洪武四年縣丞葉禮仍建於舊址正

德六年寇燬知縣馬翔重修堂右爲常盈庫獄在大門內西偏

後燬於滇逆

本朝康熙庚申署篆李扈重修大堂內署二十三年署篆經歷沈文

蔚改建大堂二十五年知縣施有光建獄神堂及獄養濟院在

北關

典史廨在縣堂西

舊有單口巡檢司在縣西三十里九股樹巡檢司在縣北八十里今俱裁缺

訓導廨在縣治西北

陰陽學在縣治西醫學在西街俱廢

榆林府

榆林道署在總兵署西卽舊巡撫都察院地明天順中置後圃有

清寧臺舊名德風臺巡撫鄭汝璧修築

本朝雍正元年副使楊文乾增修改名澄清臺臺後增修八卦亭

舊有巡撫署在總兵署西康熙元年裁缺今爲道署戶部分司撫夷廳榆林局經歷司俱久裁缺署廢無考其中路管糧廳裁缺後改爲衛署城堡同知署在凱歌樓東街雍正九年改府治稅課司在南門內東偏缺裁又行署有總督府公議府布政司署今無存察院在西水門東順治十三年都御史馮聖兆副使王廷諫城堡同知魏震因杜氏宅改爲之城堡同知高遜有記

總兵署在中城鼓樓西明正統間王禎建

本朝順治十四年鼎新康熙四十二年

聖祖仁皇帝西巡

賜總兵江琦匾曰邊陲良將聯曰令肅三軍無軼志丹心九陛自深知

中營遊擊署左營遊擊署右營遊擊署城守營都司署俱在城

內舊有榆林衛掌印守備署在後街中所千總在城內雍正三年俱裁與甯署改駐州同今爲縣治

知府署在城內凱歌東卽城堡同知署明萬曆中置

本朝雍正九年改爲府署

照磨所在城內後街雍正九年以廣有倉大使廨改

教授宅在府治西

知縣署在城內後街舊爲衛守備署雍正三年改駐州同九年改

縣署庫建於堂東監設於署西養濟院二所一在舊衛局西一

在縣署東康熙十二年城堡同知譚吉璉重修

典史廨

訓導廨在

雙山常樂保寧歸德魚河都司署俱在本堡內

懷遠縣署在城內察院中雍正九年改建庫東獄西

典史廨

訓導廨

舊有巡檢司在威武堡內雍正九年裁缺

中協副將署在羅波堡本城都司署在縣治內响水懷遠清平都

司署俱在本堡內

靖邊縣

遊擊署在縣城內寧塞鎮靖守備署俱在本堡

舊有西路兵備道署在縣城內監收同知同城俱裁缺又城內有千總署雍正三年改設經歷九年改經歷為知縣巡檢廨在鎮靖堡內缺裁

知縣署在城內即靖邊同知舊署雍正九年改設庫東獄西

典史廨即經歷舊署改設

訓導廨

定邊縣

西協副將署中軍都司署俱在縣城內鹽場磚井安邊柳樹澗都

司守備署俱在本堡內

舊有千總署在縣城內雍正三年裁缺將宜川縣縣丞移駐於此九年改縣丞

為知縣又州同署在安邊堡內雍正七年州同郭有泓即西門內義學改建缺裁

知縣署在城內即縣丞原署也雍正九年改設東庫西獄

典史廨

訓導廨

興安州

督學行署在學宮東先是新城考棚在按察分司守道李天麟建

寇燬移舊城康熙五年知州王章割學宮東偏地附於察院為

考棚章自記之三十二年圯於水雍正三年知州丁克成修葺

九年知州鮑遐齡踵成之

舊有分守關南道署在十字街西明嘉靖十八年建後移新城治四年復建於故址今幾缺又察院在州治西順治四年

建於安康街布政分司在稅課司西後移新城隨廢按察分司在魁樓巷南府署在州治前今俱廢

總兵署舊在迎仙街南順治四年總兵任珍建康熙三十二年大水後總兵萬永祺重修四十二年

聖祖仁皇帝西巡

賜總兵何天培匾曰力臣材官聯曰軍簿克明入樂用資財與共士同心四十五年復圯於水改建新城移駐

中營遊擊署舊在迎仙街北順治五年遊擊白守榮建遊擊陳其棟李奉雲胡愷相繼修葺四十六年新城成移駐於內守脩署舊在朝冠街西南左營遊擊署舊在崇道街南順治五年遊擊仰九明建遊擊江朝海重修城守脩署舊在崇道街南右營遊擊署舊在朝陽街北順治五年遊擊王之鼎建康熙三十二年大水後遊擊傅龍金重修守脩署舊在朝陽街南今俱移駐

新城城守營都司署在新城內

舊有防禦千戶所在州城西順治四年裁缺設守備尋併裁又

前後營遊擊守備署在城內順治七年裁缺城守營副將署在朝冠街北順治七年于舊起建康熙三十二年大水後副將郭元章重修守備署在朝冠街南今改設都司併裁缺

知州署舊在十字街西明洪武四年知州馬大本改建於十字街

東報恩寺故址成化十四年知州鄭福重修萬曆十一年大水

坍塌移建於新城四十五年知州許爾忠重修後燬於寇

本朝順治四年復移舊城知州楊宗震建廳事於舊址康熙元年知

州王章重修建正廳於前東為廣受庫儀門西偏為獄三十二

年圯於水知州王希舜復脩匾正廳曰大觀堂三堂曰靜觀堂

左建退思堂采山亭雍正二年江水溢壞知州丁克成修整之

養濟院在東郭門外

州同廨在州堂左吏目廨在儀門內右

舊有州判廨在儀門內左兌果司在州台西

缺

學正訓導廨在明倫堂北陰陽學在州治西醫學在陰陽學西
平利縣署在城內近西明洪武五年建成化中知縣趙賢相大加
修葺作正廳三楹左爲庫藏右爲幕廳旁列吏舍獄在大門右
側戊戌知縣趙倫復新廨宇有教諭劉博記

本朝雍正八年知縣王靈增建書舍及儀門三楹

典史廨在縣署左

舊有鎮坪巡檢司在縣東南六百里缺裁

訓導廨在學宮左

白土路遊擊守備署在八里崗

洵陽縣署在城內西北明洪武三年知縣李肅因元舊建署成化
十年圯于水知縣杜琳改遷今治中爲牧愛堂堂左錢帛庫幾
以石墻弘治間知縣蔣昇建申明亭于縣前萬曆九年知縣南

兆新建川堂

本朝康熙五十九年知縣張存恒建鐘樓于大堂左

典史廨在縣堂右

舊有三舍巡檢司在縣北一百二十里閭闕

關巡檢司順治中裁缺

教諭廨在明倫堂右訓導廨在博文齋後陰陽學在縣治東醫

學在縣治西

守備署在七里關

白河縣署在城內正東明成化十二年建中爲正廳後爲二堂三堂俱三楹

本朝雍正三年知縣劉元清修葺建賞心亭

典史廨在縣署右

訓導廨在縣署左

紫陽縣

遊擊署在縣治西卽察院舊址順治八年遊擊仰九明建千總署
在西門內順治八年錢必秀建

舊有察院在城內縣治西後改爲遊擊署順治十一年
知縣李如桂改建於西門外康熙初知縣朱允治重修

知縣署舊在東北隅卽今之大名寺嘉靖丙辰知縣張亨甫遷今
治卽昔之大名寺址也明末傾圮

本朝順治八年知縣董翼祥建正堂三楹及內署儀門十一年知縣
李如桂建庫於堂左營書舍創東西廂各二楹康熙二年知縣
朱允治建東西吏舍堂西設犴狴五年拓增書舍八年知縣張
麟化復拓基增脩五十五年知縣李弘煥新二堂六十年重建
大堂雍正六年知縣李昌宗增置吏舍廣書舍二楹傾圮者悉
葺之

典史廨在縣堂東

訓導廨在縣治東門

石泉縣署在城內正中明洪武六年建日久就圯康熙五十三年燬于火後知縣漸次修理大門三楹儀門三楹大堂二堂二堂左右書房各三楹堂東建庫廩囹圄在大門右

典史廨在縣署儀門內西邊

舊有饒峯嶺巡檢司缺裁

訓導廨在文廟西陰陽學在縣治西北醫學在縣治東

千總署在縣城內

舊有東西二察院西則知縣潘瑞奇修葺舊府廳新府廳並在縣治東今俱廢

漢陰縣署在城內西北舊在今石泉江漢之南以社溪院爲朝賀

地宋皇祐四年沒於漢水紹興初徙治新店卽今治也明洪武五年重建成化甲辰災丙午知縣張大綸拓基建堂戶吏舍自

爲記

本朝康熙二十八年知縣趙世震復拓繚垣建三堂構臥月齋築雲構軒設二亭於射圃自記之養濟院在東城外

典史廨在縣署西

訓導廨陰陽學醫學俱在縣治西

舊有察院在縣治西南
關南道行署在察院西

商州

督學行署在上街卽北察院萬曆乙卯建舍於兩廊遇試設棚殿試已撤去知州王邦俊修葺崇禎癸未寇燬

本朝順治癸巳知州劉正率五學諸生輸貲建正廳六楹大門三楹丁酉知州王思治相繼鼎建堂室號舍規模大脩有記後移試華州棚漸圯雍正四年復移試本州署篆捕盜同知楊宗澤捐

俸重建督學王墓爲記

舊有商洛道署在州治東舊爲布政分司明弘治十一年參議李貴和改建正德十年參議蘇乾重修有太僕南鏗記萬曆十八年參議蘇濬鑿池種蓮有紀異記今裁缺又南察院在州治東布按二司在州治南俱久廢

城守營遊擊署在城內十字街南康熙二十八年建舊爲守備署四十八年改設遊擊

知州署在城內近西因元之舊明洪武中知縣陳榮祖修葺成化十三年改州正德中知州王瑀修吏舍嘉靖時知州李文瀚脩後堂州判歐珠書忠愛堂匾額東爲幕廳西爲恒足庫儀門內西偏爲獄萬曆中知州司光祖脩寅賓館署篆州判趙汴成之知州王邦俊重修匾曰事友堂今移州治東北街養濟院在州西大雲寺南

吏目廨在州署東

舊有州同廨在州署東嘉靖七年缺裁州判廨在州署西順台十六年缺裁武備巡檢司

在州東一百八十里秦嶺巡檢司
在州西一百二十里今俱裁缺

學正廨在儒學戟門西訓導廨陰陽醫學俱在州治西北

鎮安縣署在城內東北隅明景泰三年建弘治十六年知縣儀鳳

正重建正堂五楹退思堂三楹重門吏舍悉脩崇禎十三年流

寇侵殘移治縣寨

本朝康熙中知縣耿晉光復移城內舊署養濟院在縣治西

典史廨在縣署東北

舊有舊縣關巡檢司在縣北一百二十里
五卽壩巡檢司在縣西三百五十里今俱

裁缺

訓導廨在縣治東陰陽醫學俱在縣治西

舊有察院在縣治東今改儒學署分司在縣治西北
府署在縣治南水饒太家青峰三鋪公館各一所

遊擊署在舊縣關

雒南縣署在城內正中明洪武元年建正統中知縣張璣修葺弘

治中知縣秦安正德時知縣趙琮總修嘉靖中知縣楊士元復修規模畧脩中為正堂左贊政廳右錢帛庫儀門內右偏為獄知縣高綬復新之養濟院在縣治西關

本朝順治中堂庫俱圯知縣徐徵鳳建之

典史廨在縣署西三要巡檢司在縣東南九十里

舊有丞廨在縣署東石家

坡巡檢司在縣東四十里今俱裁缺

訓導廨圯

舊有察院在縣署西布政分司在東門內北街俱廢按察分司在察院旁今改建關帝廟

山陽縣署在城內正街東西之中明成化十二年建十四年知縣

楊隆續成之有秦府教授陳嘉猷記明末寇燬

本朝康熙中知縣阮振增修大堂六楹西為庫獄在大門西偏

典史廨在大門內西北

舊有主簿廨大門內東偏竹牀關巡檢司在縣東一百三十里豐場巡檢司在

縣東南一百五十里今俱裁缺

訓導廨在明倫堂後

舊有察院在城隍廟東布政司署在東街按察司署在西街今俱廢

商南縣署在城內東隅明成化十二年建明季傾圮

本朝知縣李國統宋廣業蔡名輔相繼脩葺

典史廨在縣署西

舊有富水堡巡檢司在縣東三十里康熙十五年裁缺

訓導廨在縣治西北

同州

督學行署在州治東

舊有御史行臺在州治左東為布政分司西為按察分司兵備道在按察分司東關內道在鼓樓右後為府館今俱廢

知州署在城內北隅即古馮翊郡治明洪武三年同知邢權重建

中為牧愛堂堂左庫藏大門內西南為獄嘉靖乙卯地震傾圮

知州梁恩郭顯鳴賈化醇相繼脩葺養濟院在儒學東

州同廨舊在州堂左後移堂右康熙五十四年兼理河東事務

舊大慶關亦設署焉州判舊廨原廨廢吏目廨在州堂西南

州判廨在州堂右
缺裁今爲州同廨

學正訓導廨在明倫堂北陰陽醫學俱在州治西南

千總署在州署東雍正九年建

朝邑縣

同州同知兼理河東事務署在河東舊大慶關康熙五十四年設

知縣署在城內正中金大定七年建元大德七年縣尹顏英重修

明宣德中知縣王鼎成化中知縣郭良相繼脩葺中爲牧愛堂

左贊政廳右錢帛庫大門有臺有樓郭良建大門外爲旌善申

明亭東西列棹楔嘉靖中知縣呼爲卿題其西曰愛人東曰德

宿儀門右爲獄

本朝康熙五十年知縣王兆鰲脩葺養濟院在城內西南隅康熙五十一年王兆鰲建自爲記

典史廨在縣署東

舊有大慶關巡檢司在新大慶關原屬潼關衛雍正二年改歸縣轄五年復歸潼關縣轄

稅課局大使廨亦在新大慶關雍正二年裁缺

教諭訓導廨在文廟西陰陽學在縣治西北醫學在縣治西北

藥王廟

舊有察院在儒學南康熙二十三年知縣陳昌言修葺布政分司在察院西南久圯兵備道署在馬王廟東康熙三十四年知縣楊又時修葺府署在儒學西北久廢

邵陽縣署在城內近西北明洪武三年縣丞康世傑建嘉靖二十四年知縣李豸大加脩葺大門初在巽方至是移向正南構軒於後堂額曰盤鑑居其餘堂屋俱爲一新庫在縣堂西典史廨

西北爲獄

縣丞廨在縣堂東典史廨在縣堂西

教諭訓導廨在學宮東陰陽學在縣治東醫學在縣治西

舊有察院布政司潼關道
行署俱在縣治東今廢

澄城縣署在城內西北隅建元末毀於兵燹治事于親隣寨明洪武二年縣丞樂韶始復故治建廨宇正統三年知縣楊季琦建廳事儀門大門正廳右爲庫嘉靖甲辰知縣鄭光溥重修尚書韓邦奇記戊申知縣徐效賢新吏舍葺禁獄大同斲事馬躍如記之己酉復飾堦祀拓儀門庚戌知縣敖佐葺內署完吏廨創園亭天啓甲子知縣毛丹鳳重修寅賓館舉人路世龍爲記崇禎乙亥寇燬正堂甲戌縣丞梁才重建

本朝順治六年知縣姚欽明因廢蓮幕宅建趵厦三楹中廳前軒後

舍頽廳曰槐堂軒曰花署舍曰冰齋廳蒼澹軒自爲文記之
濟院在縣西城外

丞廨在縣署左典史廨在丞廨東

教諭廨在文廟西訓導廨在教諭廨南陰陽學在縣治東南隅
醫學在陰陽學西

舊有布政分司在縣治南偏東按察分司在縣治東府署在布政分司右

韓城縣署在城內正西本漢唐舊治元至正二年縣尹解榮祖重修明洪武三年主簿范恒復修成化癸卯知縣吳雄重構正廳教諭王時敷記之嘉靖十年知縣馮錄建儀門三楹萬曆二十九年堂傾於雨知縣戴章甫重修頽曰忠愛堂東西有庫前爲虛訊軒後爲退省堂門廊圉圉悉葺之御史張士佩爲記三十三年知縣蘇進建寅賓館旌善申明二亭大門三楹崇禎甲戌

知縣左懋第建梅花屋

本朝康熙十五年知縣王廷選重修堂廡三堂東爲鴻雪堂知縣翟世琪脩建養濟院在縣南門外

丞廨在縣堂東典史廨在縣堂西

教諭廨在儒學敬一亭前訓導廨在敬一亭右陰陽學在縣治

東北醫學在縣治東南

舊有察院在縣治東今廢又東爲府廳分司久廢知縣翟世琪重建

遊擊署在柳溝城內

華州

督學行署在城內西南隅明崇禎中知州史文楷建

本朝康熙中知州馮昌奕改修

舊有布政分司兵備道府廳各行署俱久廢

知州署在城內近南明洪武二年知州胡惟俊建正德壬申知州
劉錦修葺建堂五楹庫當東南吏舍列東西後為退省堂儀門
外內樓各二左廡右獄狀元呂柟記嘉靖五年州堂火知州甘
望重建未竣十三年知州周朝俛繼成之顏曰節愛堂狀元康
海為記乙卯地震傾圮知州朱茹葺節愛堂有主事王堯弼記
隆慶中知州李可久建寅賓館於大門左側

本朝康熙中知州羅斌捐俸重起堂廊養濟院在東門內街南

州同廨在州堂東吏目廨在州堂西南

舊有州判廨在州堂西
康熙四十九年裁缺革

山驛丞廨在州治北順治十七年裁缺羅文
橋大使廨在州東十里康熙十六年裁缺

學正廨在儒學敬一亭西訓導廨在明倫堂後陰陽醫學俱在

州治北

千總署在州署西

華陰縣署在城內西北明洪武二年縣丞黃文明叔建正廳六楹
左屬庫藏前抱厦楹如堂數嘉靖中知縣簡仲宇王時雍李冲
漢相總修葺堂下東西序列吏舍西南隅為獄舊在二門外萬
曆中知縣劉若水移門內養濟院在縣治西關

典史廨在縣堂西南

舊有丞廨在縣堂西雍正三年移駐潼關
改建倉廩主簿廨在縣堂西潼津驛丞廨

在縣治東俱裁缺潼關驛丞廨潼關遞運所大使廨俱在潼關
城內舊屬縣轄潼關改縣後俱歸潼關轄華陰遞運所大使廨
在縣治西稅課局二一在
縣內一在潼關今俱裁缺

教諭廨在明倫堂右訓導廨在明倫堂左陰陽醫學俱在縣治

西

舊有察院在儒學右兵備道署在
察院南府廳在察院右今俱廢

蒲城縣署在城內近北唐開元宋元祐宣和金大定元大德至正
間代有修葺明洪武初肇修於主簿高秉彛典史郭固景泰時

知縣高隆總脩成化中知縣黃端正德中知縣張鰲續拓之中
為牧愛堂堂左庫藏犴狴西連廨舍知縣劉大謨增脩嘉靖乙
卯地震傾圯知縣李瑤重修

本朝康熙中知縣鄧永芳復加修葺養濟院在縣東門內稍北明天
啓中知縣方應節改移北數十武

丞廨在縣堂東典史廨在縣堂東

舊有主簿廨在縣堂西順治中裁缺

教諭訓導廨在明倫堂西南陰陽學在縣治南醫學在縣治西
舊有督學行署在縣治西順治戊子知縣翟鳳梧重建知縣張
舜舉成之康熙中知縣姜興齊脩葺有李蘧蒸記知縣汪元仕
重修今移試華州又察院在縣治南兵備道在
縣治西南今改建關帝廟按察分司府署俱廢

潼關縣

潼商道署舊在城內西北隅後移今縣治東故明王司馬第也康
熙十六年副使胡戴仁修葺增建大門儀門置寅賓館構川堂

書臺復於繚垣後買民地五尺為更道自為文記之雍正六年分守道張正爰買地於大門外拓十有九丈繚以崇垣左右建中正和平二門中建嶽峙河澄坊亦自為記

撫民理事同知署在縣治東係東察院舊址明萬曆中改為撫民同知署

本朝康熙二十二年撫民同知翁世庸捐俸重建雍正四年改選滿

洲兼理事管轄旗民

舊有經歷司久廢

潼關協副將署在潼關道署西中軍都司署在副將署東

舊有東察院在縣東西察院在縣西俱廢

知縣署在城內東北即舊衛署明初洪武元年千戶劉通建成化

六年魏贊重修

本朝雍正二年缺裁五年改為縣署養濟院在西門內

典史廨在縣署東北帥府街知縣黃憲鯤脩大慶關巡檢司在

縣北六十里風陵渡巡檢司在東門外永樂鎮巡檢司在縣治

北四十里潼關驛丞廨在縣署東

舊有通運所大使廨在縣署東北帥府街舊屬華陰縣雍

正五年改歸縣
轄七年裁缺

教諭訓導廨在明倫堂西

潼關城守尉署在滿城內雍正四年建

耀州

知州署在城內正中元末兵燬寄治州南二十里之漁池明洪武

二年知州侯必興重建州治正堂五楹東西俱有庫前為儀門

旁為列廡有編修王禕記嘉靖十八年知州溫秀建池亭於退

思堂後三十二年知州李廷寶改建退思堂自為記署後有望

輝樓

本朝康熙中知州李銓重修獄在儀門內右側養濟院在城隍廟東

吏目廨舊在州署西南後移堂西州判廨廨

舊有州判廨在州堂西缺久裁順義

驛丞廨在州治南今裁缺

學正廨在明倫堂左訓導廨在文廟後陰陽醫學俱在州治南

守備署舊在金鎖關今移駐州城內守道舊署

舊有分守關內道署在州署東今裁缺改為守備署又察院在東門內布政分司在州治西按察分司府署俱在州治南

同官縣署在城內西北隅明洪武二年建宣德三年重修景泰初

知縣樊榮重建正堂五楹西安知府吳孟祺題曰節愛堂兩翼

為積貯庫左右吏舍西南隅為獄堂後退思廳內署及書舍俱

知縣馬鐸重建萬曆三十年知縣董廷範建聖諭彰善申明三

亭四十五年知縣劉澤遠建戒石亭及儀門四十六年建寅賓

館及鄭侯祠

典史廨在縣堂西南

舊有金鎖關巡檢司在縣北三十里漆水驛丞廨在縣治東北俱裁缺

訓導廨在尊經閣東今圯陰陽醫學俱在縣治東

舊有察院在縣治南布政司署在縣治東按察司署在布政司西俱廢

白水縣署在城內西隅明洪武三年知縣張三同建中為正堂五

楹東庫藏獄在儀門外西偏崇禎中知縣張名世建柳浪亭署

舊有思齊樓

本朝康熙三十年知縣鈕琇重修自為記養濟院在城東南隅

典史廨在縣堂東

舊有馬蓮灘巡檢司在縣北五十里缺裁

訓導廨在縣治東

舊有察院在縣治東偏

乾州

督學行署在城內東街舊為察院巡按巡茶按臨之所後改為考

院萬曆乙卯知州夏思曾增建內堂大堂左右舍各五楹崇禎五年知州楊殿元修葺

本朝康熙六十一年知州黃煒重修雍正二年煒復新號舍

舊有布按二司署俱在州治東府署在州署後州同廨在州治東督糧廳廨在州治西督捕廳廨在州治西南今俱廢

知州署在城內西偏卽唐德宗行在故址後改爲州治宋元豐元年奉天令楊景亮構軒於廳事之東北隅顏曰清美軒金大定戊子刺史鄭彥文修二堂顏曰思政堂刺史呂雲卿州署圖載有麗春靜治口安宜口歲寒諸堂及澄碧亭靜樂齋平嵐觀俱廢惟靜治堂尚存令改謙益堂明洪武七年知州王師尹重修成化甲辰知州劉濟撤而新之建大堂五楹堂右爲庫後退省軒前儀門悉如大堂楹數周圍夾道縱一百弓橫五十弓吏廨亭甌悉新之嘉靖中西安知府吳孟祺題正廳曰節愛堂萬曆

辛卯知州賈一敬改建大門崇禎五年知州楊殿元重脩堂室
廨舍改儀門爲六門左爲囹圄

本朝雍正三年知州拜斯呼朗復加修葺

州判廨舊在州治西南隅明末遭毀今賃民房吏目廨在州大

門內西北隅

舊有威勝驛丞廨通運所俱在州治東北缺裁

學正廨在明倫堂後訓導廨在明倫堂西今圯陰陽醫學俱在
州治北

千總署在州城內

武功縣署在城內西北宋大聖中种世衡改建縣廳後高士輦建

手詔亭呂義山新內署錢秉創鑒堂李宗作清心堂崇寧初趙

茂曾增修錢庫孟通廣闢庾舍內外完葺煥然一新政和元年

劉幹重修縣廳游靖記之金元屢經兵燹移今治係舊學宮明

洪武初知縣嚴祀重建

本朝康熙三十二年知縣章紳增修堂東為庫獄在大門內西偏養

濟院在郃城驛西

典史廨在縣署西

舊有郃城驛丞廨在縣治東南今裁

教諭訓導廨俱在縣治東北陰陽學在縣治南醫學在縣治東

千總署在縣治南

舊有布政司署在宣化街按察司署在縣治西府署在縣治南又長寧分司即故長寧驛也在縣東四十五里

永壽縣署舊在麻亭鎮城內東偏明洪武二年建崇禎末寇燬移

治虎頭山

本朝康熙八年知縣張焜鼎建於新城重門堂室吏舍庫獄煥然悉

備

典史廨在縣署旁

舊有土副巡檢司久裁缺永安驛丞廨在縣治西北底窖舖遞運所在縣北三十里舊店

通運所在縣南
十五里俱裁缺

訓導廨在縣治西北

舊有北察院南察院布
政司關內道行署俱廢

邠州

知州署在城內東北明洪武二年建十三年州同張斌增脩大門
宣德間重修堂宇正德癸酉知州齊寧盡撤其舊建正廳五楹
蓮幕廳三楹東西兩榮各十四楹顏正廳曰牧愛堂郡人宋瑋
記之嘉靖己酉知州姚本重修過廳萬曆十六年知州劉昇重
修正廳自為記正廳西為庫獄在儀門西偏養濟院在西街路
南知州顧問修葺

州判廨在州堂東吏目廨在州堂西

舊有新平驛丞廨在州治
西邠州通運所在驛西今

俱裁

學正訓導廨在明倫堂東陰陽醫學俱在州治西

一守備署在州城內

舊有兵備道署在州治西明僉事李僅可知州姚本建今裁缺
又有察院在州治西布政分司在察院西按察分司在州治南
向北

三水縣署在城內近西元至正十八年廢為巡檢司明成化十四
年復為縣知縣楊豫築繚垣創建正廳五楹捲棚楹數如之東
為幕廳萬曆中知縣秦渠建退思堂三楹崇禎間知縣高知建
署於雙槐堡

本朝順治初知縣王儒復修堡廨康熙己酉知縣林逢泰修縣署顏
大堂曰思輯後堂曰鑑水堂後建簋香廳庫在二堂西獄在典
史廨前乙卯丙辰間復修堡廨顏其堂曰井勸文倬天題其亭
曰菱柳養濟院在縣治北

典史廨在幕廳西

舊有石門巡檢司在縣東南六十里缺裁

教諭廨在明倫堂後訓導廨在教諭廨西陰陽醫學俱在縣治

南

舊有察院在縣治左知縣林逢泰建

淳化縣署舊在北門內宋宣和七年縣令張安祖完治西堂使南

嚮顏曰吏隱堂後楹曰蒙軒有石彥政記明洪武初知縣楚桓
移建城內正中崇禎中知縣楊泰禎建寅賓館有記乙亥知縣
趙之琴建節愛堂自為記堂西為庫藏儀門內西偏為獄

本朝康熙中知縣張如錦蒞任張遇復為題正堂曰吏隱堂有後記
養濟院在縣治南門外

典史廨在縣堂東

教諭訓導廨在大成殿後陰陽醫學俱在縣治北

舊有察院
在縣治南

長武縣

遊擊署在城內東北順治八年總督孟喬芳

題請遷邠州遊擊駐於此勅帑貿民房建大堂後堂大門各三楹營

房二百五十楹

舊有大察院西察院明末張克雋叛悉被焚既擒克雋以其居爲察院又布政司舊址改建關帝廟

知縣署在城內西偏舊爲邠州同知署明萬曆十一年改爲縣署

知縣梁道凝拓脩中爲牧愛堂五楹東庫藏西幕廳後爲思補

堂獄在儀門西自爲記崇禎庚辰寇燬知縣武振重建正堂一

堂寅賓館各三楹大樓五楹

本朝知縣趙亮陳所抱相繼增脩知縣張純儒建西書舍養濟院知

縣陳所抱建在縣治

典史廨在縣署西

舊有藥店巡檢司在縣西三十里舊係宜

缺宜祿遞運所大使廨在縣東四十里雍正七年裁缺
停口遞運所大使廨在縣東四十里雍正七年裁缺

訓導廨在文廟西陰陽醫學俱在縣治南

鄜州

督學行署在學宮左雍正三年建

舊有分巡河西道署在州治東嘉靖元年副使孫樂建康熙二

年巡道李榮宗重修六年缺裁又察院在州西山
布政司在州治東南按察司在州治西南俱廢

知州署舊在城內大街東明洪武四年知州鄭暉建永樂九年重

修崇禎間兵燹移西山寨

本朝順治五年知州李芳澂倚山東向建堂三楹八年知州劉應科

改堂南向增建大門十一年知州江中耀倚山作榭建做歐亭

十七年知州顧耿臣增修康熙二年復移下城舊治重建大堂

三楹左右有庫重門吏舍悉脩獄在大門內西偏後被洛水衝

崩三十三年知州劉顯爵移建西關養濟院在南門外

吏目廨在舊州同廨南

舊有州同廨在州西山雍正三年分駐榆林今改為守備署又州判廨在州同

廨右員羅巡檢司在州西一百三十里

廊城驛丞廨在州治西

南張村驛丞廨在州西七十里

隆益鎮驛丞廨在州西一百四

十里缺久裁三川驛丞廨在

州南六十里雍正七年裁缺

學正訓導廨在西關岩山下

守備署舊在州治西康熙二年守備葉呈蘭建二十五年洛水衝

崩守備汪可德移建西關後復被水患雍正六年守備劉起龍

移建西山州同舊廨址

洛川縣

西延捕盜同知署在縣南一百三十里黃龍山城東門內明天啓

中建

朝康熙十二年同知劉顯第重脩二十四年同知許恒齡增修

府城巡檢司在
黃龍堡內缺載

知縣署在城內東南隅明洪武四年主簿蕭復仁建弘治間知縣
苟鵬修葺正德七年寇燬嘉靖二年重修萬曆辛巳知縣陳惟
芝增脩

典史廨在縣署大門內

教諭訓導廨俱在縣治西南陰陽醫學俱在縣治東南

千總署在城內

舊有察院在縣治
東分司在縣治前

中部縣署舊在坊州明洪武初知縣黃琮建成化中知縣劉潔移
建下城崇禎四年知縣姚一麟改移上城橋山半坡尋復仍舊
本朝順治十一年知縣彭聖培再移上城建堂廡規模畧脩康熙三
年知縣金九鼎改建移南一百五十步

典史廨在儒學署西

舊有丞廨在縣署旁程道驛丞廨在縣治北俱裁缺

訓導廨舊在縣署西今圯

舊有察院二所一在下城城隍廟西一在上城縣治西南

宜君縣

叅將署在縣署北順治初創建康熙十五年叅將張光煥拓之中軍守備署在縣治東南

知縣署在縣西北隅明洪武八年縣丞王文輔建弘治中知縣李相增修崇禎辛未寇燬

本朝順治十二年知縣鄭名新建於山城上康熙十七年知縣賈有

福增脩

典史廨在下城縣倉西

舊有雲陽驛丞廨在縣治東北康熙十六年缺裁

訓導廨在文廟旁陰陽醫學俱在縣治東南

綏德州

督學行署在州治西

延綏道署舊在神木縣雍正九年改今職移駐州城內

舊有綏德衛指揮署在州治北順治初革去指揮止為衛十六年省入榆林衛又察院在州治西今改為守備署

知州署在城內疏屬山下東北隅明洪武中知州張進建正廳曰敬事堂左幕廳右為庫獄在儀門外西偏景泰間知州張軾重修

本朝順治十六年知州王元士增脩養濟院在城南

吏目廨在儀門外東偏

舊有州判廨在州治中又官菜園渡口巡檢司在州東一百四十里青陽驛丞廨在州城內義合驛丞廨在州東六十里今俱缺

學正廨訓導廨陰陽醫學俱在州治前

都司署在州治西係舊察院改建

朱脂縣署在城內東隅高阜之上元泰定四年縣尹呂東建明洪武中知縣王元成增修

本朝順治九年知縣張禹謨重建大堂五楹兩掖爲庫大門內右側

爲獄吏舍重門悉新之康熙二十年知縣甯養氣修葺顏大堂曰忠愛堂建二堂三楹顏曰忠恕堂葺寅賓館題曰廣益堂養

濟院在東上衙衙

典史廨在大門內東偏

舊有銀川驛丞廨在縣西缺裁

訓導廨在文廟後陰陽醫學俱在東門內

舊有察院在草場街北知縣黃離昭建

清澗縣署在草場山麓中街之北明洪武六年知縣鄒宗彞建嘉靖癸未知縣馮璉丙寅知縣阮孝繼修萬曆丁未知縣陳王道

建寅賓館甲寅知縣陳汝元重修堂署改建寅賓館匾曰虛堂
堂崇禎庚午正堂火知縣牛養蒙重建四楹東西有庫大門內
右偏為獄

本朝康熙乙未知縣張永祚重修虛受堂題曰集思堂養濟院在教
場旁

典史廨在縣堂西

舊有縣丞廨在縣堂東舊延驛丞廨在縣東
南俱廢石嘴驛丞廨在縣北七十里雍正七

年缺
裁

教諭廨在敬一亭後陰陽醫學俱在縣治南

舊有察院在縣治西石嘴驛察院在
縣北七十里知縣廖元發修自為記

葭州

知州署在城內正街西明洪武八年同知崔一思建堂東為庫獄
在大門內西偏弘治間知州沈理重修隆慶中知州章評頌三

堂樓曰浩然退思堂曰澹然貢生張鶚翼撰記

本朝順治十五年知州武弘祖增建僚屬廨舍養濟院在南郭晉照寺西

吏目廨在舊州判廨西

舊有州判廨在大門內西偏久歲缺

學正廨在明倫堂北陰陽醫學俱在州治東南

舊有察院在南郭街西

高家堡都司署建安堡守備署俱在本堡內

吳堡縣署在城中高阜之上明洪武三年知縣范平仲建中為正

廳庫在堂東儀門外右偏為獄正統時知縣俞安增修

本朝康熙中知縣李雲龍建書舍於東知縣馬廷詔建書舍於西雍正七年知縣詹紹德增修吏舍養濟院舊在縣治東後移北門外

典史廨在縣堂西

舊有河西驛丞廨在場家店雍正七年裁缺

教諭廨在文廟戟門外

舊有按察分司

在縣治南今廢

神木縣

東協副將署在縣城內西北舊駐孤山堡順治十三年移駐於此

中軍都司署在城內西南栢林大栢油守備署俱在本堡內

管理夷漢同知署在縣治西凱歌樓北康熙中東路道張衡所建

希文書院也舊駐橫城雍正元年移駐於此今遣理藩院司官

榆林同知署在城內文筆峰西

舊有神木道署在縣治西凱歌樓東北雍正九年改為延綏道移駐綏德又神木倉大使廨在縣治東康熙二十五年裁缺

知縣署在城內東北隅明洪武十四年知縣任奉先建正統中知

縣彭佐改建知縣糜奎重修萬曆三年夏雨傾圯知縣朱希顏

重建正廳內署吏舍狃狃悉加修葺高璉撰記十七年知縣朱秉儒二十六年知縣戈千如相繼修葺

本朝順治八年知縣程啓朱重明養濟院在縣治西

典史廨在縣署內大門東

訓導廨陰陽學俱在縣治西
附醫學在縣治西

府谷縣

遊擊署在黃甫川清水木瓜孤山鎮羗永興都司守備署俱在本堡內

知縣署舊在城內文廟西洪武十九年知縣齊翺建

本朝順治十七年知縣龔榮遇移北察院康熙元年知縣楊許玉構

二堂及庫東西吏舍八楹書舍六楹

典史廨在縣治西

舊有法水營孤山堡永興堡鎮羗保四倉大使廨全俱裁

教諭訓導廨記



